

DRAF
TEKS UCAPAN
YBRS. PROFESOR Ts. DR. MASSILA BINTI KAMALRUDIN
NAIB CANSOLOR UTeM

MAJLIS MENANDATANGANI MEMORANDUM PERSEFAHAMAN (MoU)
ANTARA UNIVERSITI TEKNIKAL MALAYSIA MELAKA (UTeM) DAN
CARSOME ACADEMY SDN BHD

RABU, 16 OGOS 2023

CARSOME CERTIFIED LAB, BUKIT RAJA

(2)

Yang dihormati perwakilan dari CAR SOME Academy Sdn. Bhd.

- I. Puan Che Salwani binti Enche Mohd Noor
- II. Encik Kevin Chuah Song Jin
- III. Puan Norhaslina binti Ismail
- IV. dan warga-warga CAR SOME Academy Sdn. Bhd. yang terlibat

Perwakilan dari Universiti Teknikal Malaysia Melaka

- I. Dr. Mohd Taufik bin Taib
- II. Prof. Ts. Dr. Effendi bin Mohamad
- III. Prof. Madya Mohd Shakir bin Md Saat
- IV. dan warga-warga UTeM yang terlibat

Assalamualaikum W.B.T. dan salam sejahtera

Salam Malaysia Madani

Salam UTeMku Sayang, Menjajar Universiti Melonjak ke Hadapan

(3)

1. Alhamdulillah, bersyukur kita ke hadrat Allah S.W.T. kerana dengan limpah kurnianya, dapat kita bersama-sama pada hari ini, sempena majlis menandatangani Memorandum Persefahaman (MoU) antara Universiti Teknikal Malaysia Melaka (UTeM) dan CARSOME Academy Sdn Bhd (CASB).

2. Untuk makluman semua, majlis pada hari ini merupakan manifestasi sokongan UTeM terhadap kepentingan hubungan antara universiti dengan pihak industri. UTeM sangat mengalu-alukan penglibatan semua pihak industri untuk mengadakan kerjasama bersama UTeM. Namun begitu, hubungan ini perlu dilakukan dengan cara yang teliti dan terancang.

(4)

Tuan-tuan dan puan-puan yang dihormati sekalian,

3. Saya secara peribadi dan UTeM secara amnya, sangat berbesar hati untuk mengalu-alukan penglibatan pihak CASB bagi melonjakkan manfaat untuk kebaikan semua pihak. Kerjasama strategik antara universiti dan industri ini mestilah memberikan pulangan yang menguntungkan kepada kedua-dua pihak tanpa menjejaskan peranan universiti sebagai pusat kesarjanaan dunia akademik yang berintegriti.

5. Namun begitu saya yakin, kolaborasi strategik antara UTeM dan CASB ini dapat dilaksanakan dengan jayanya dengan harapan ia akan memberi impak dan nilai tambah kepada kedua-dua pihak.

(5)

6. Melalui jalinan hubungan persefahaman ini, UTeM dan CASB akan bekerjasama melalui pemindahan kepakaran dan teknologi, penyelidikan dan pembangunan (R&D), perkongsian ilmu serta pemantapan amalan terbaik. Selain itu, kerjasama ini juga akan menyaksikan UTeM dan CASB akan menyediakan peluang latihan kepada staf bagi mempertingkatkan pengetahuan dan kemahiran di bawah skim sangkut industri

8. Kerjasama ini juga akan menyaksikan pelajar Sarjana Teknologi UTeM akan menjalani latihan industri atau *Work Based Learning* (WBL) di CASB berpandukan modul latihan menggunakan kemudahan fasiliti yang terdapat di CASB.

(6)

Tuan-tuan dan puan-puan yang dihormati,

9. Saya yakin dan percaya, kerjasama bersama CASB ini merupakan detik bersejarah kepada UTeM bagi merealisasikan aspirasi kerajaan dalam meningkatkan kebolehpasaran graduan TVET UTeM yang memenuhi keperluan industri.

10. Kerjasama melalui MoU ini juga sejajar dengan 5 teras strategik yang digariskan di dalam Pelan Strategik UTeM 2023-2025 yang beraspirasikan 'Menjajar Universiti Melonjak Ke Hadapan' untuk menjadikan UTeM universiti teknikal yang kreatif dan inovatif terkemuka di dunia.

(7)

11. Sebelum mengakhiri ucapan, sekali lagi saya ingin mengucapkan syabas kepada UTeM dan CASB dalam memeterai kerjasama yang amat bermakna pada hari ini dan diucapkan juga selamat maju jaya kepada semua.



Bunga kesidang di hujung dahan,

Jadi hiasan si anak dara;

Universiti dan industri erat perpaduan,

Membangun ekonomi memaju negara.

Sekian, terima kasih.